






Paradise Beach Villas ta celebra su Aniversario di Plata



ORANJESTAD (AAN): Paradise Beach Villas a celebra su di 25 aniversario riba 4 di Juli, 2019, conmemorando su fecha di apertura cu Bougainville Development, bou liderasgo di Lee di Giovanni, na 1994.

E resort actualmente a habri su portanan na 1988, pero como e compania di maneho original a encontra contratiempo, manera un fenix cu ta tanta for di su cenizanan, Lee di Giovanni a tuma e iniciativa di recohe e piezanan y haci di e Resort e legado di su trabao maske cu e tabata simplemente un doño preocupado.

E fiesta di aniversario a conta cu presencia di guest, doñonan y dignitario y a tuma lugar den e lobby di e resort cu dushi cocktails, riba dialuna 1e di Juli.

Emcee Bianca v/d Biezen a duna e publico un saludo caluroso y a invita General Manager Freddy Albertus pa hiba un discurso di apertura na e reunion festivo.

Albertus a gradisi di Giovanni pa su curashi y prevision y a gradici tambe su dos yiu hombernan, Alfred y Michael di Giovanni, presente cu nan familia, pa haci e viaje pa Aruba.

"Mientras Lee no ta cu nos mas," el a bisa," su legado a supera e imaginacion di cualkier di nos, y nos tur por ta orguyoso di loke el a cuminsa na Bougainville Development, den su rol como un hotelier apasionado."

Riba un nota personal Albertus a añadi cu el a cuminsa bou di guia di Di Giovanni 18 aña pasa cu niun conocimiento di timesharing pero di Giovanni tabata su mento y a siñele tremendamente bon.

Paradise Beach Villas su exito, Albertus a comparti, ta sigui crece danki na e stakeholders comprometi, miembronan di Board y e Directornan General, doñonan di timeshare, managernan di departamento y miembronan di team. Siendo e Timeshare didos mas chikito na Aruba, e ta orguyoso di e propiedad su status eleva como un Select Resort cu Interval International. Paradise Beach Villas tambe a bira e didos Hotel na Aruba pa ricibi e plakkaat di Aruba Certification orienta pa Servicio excepcional.

Albertus tabata satisfecho cu e averahe di añanan di servicio entre e trahadornan di hotel ta 18 aña y e cantidad di proyectonnan di renovacion cu a keda

cumpli na e propiedad sin mester di prestamo di banco. Esaki ta un testimonio na e salud financiero di e operacion, resultando na un clasificacion superior entre hotelnan riba Eagle Beach.

Un logro unico, segun Albertus, ta e BBQ anual caminda famianan cu ta huesped di e timeshare ta haci compras, cushina y sirbi miembronan di staff. Un tradicion di tres aña te awor, cu ta disfruta y semper aprecia como gesto di gratitud di e guestnan pa nan anfitriónan local.

Como conclusion di su discurso, Albertus a gradici su concesionarianan, Asi Es Mi Peru y restaurant La Terrazza Italiana pa nan contribucionan culinario pa e hotel y a expresa su deseo pa e proximo 25 añanan por ta fructifero. el a invita guest pa wak e pantayan pa un compilacion di memorianan, proyecta como un nota di Thank You. "Nos no por a haciele sin boso tur," el a conclui.

Durante e charla cu s sigui, e CEO di Aruba Tourism Authority Ronella Tjin-Asjoe-Croes, a declara cu e isla di Aruba e beneficia di su relacion cu e industria di timeshare. Despues el a tuma su

tempo pa expresa su gratitud, gradiciendo cada guest pa su lealtad na e isla y su hendenan, y a remarca di ta humilla pa e amor profundo y conocemento di e isla cu el a experiencia di e owners na Paradise Beach Villas.

Premionan di Servicio a worde presenta na Empleadonan celebrando 5, 10, 15, 20 y 25 aña di Servicio, tres colega bandedo cu Pensioen y a reconoce tambe colega cu a cumpli 21, 21 y 17 aña di servicio.

Dennis Hullman, Presidente actual di Board a expresa su placer den mira e progreso

di e hotel atraves di añanan y a felicita owners, maneho y staff.

Jim Pritsiolas, Secretario / Tesorero di Board a presenta un premio sorpresa na Fred Noemer, un di e Miembronan di Board cu a sinta pa mas aña.

Un oportunidad pa prensa saca potret y clausura pa Managing Director Andy Osborne, y palabranan di felicitacion pa e Presidente di Aruba Timeshare Association Luigi Heredia a finalisa e ocasion memorable, un cuarto di un siglo di excelencia den hospitalidad.